



Te whai hua - kia ora!

sorted
in Schools

He Mea Hira te Moni

Ingoa:

SORTED THEMES

KiwiSaver, Te Nama, Ngā Whāinga, Te Whakahaere i Aku Moni

TAUMATA

1

WHIWHINGA

4

AS91026 (putanga 3)

Pāngarau me te Tauanga

Te whakamahi whakaaro
tau whaitake hei whakaoti
rapanga

Nau mai, haere mai!

Nau mai ki te kōwae He Mea Hira Te Moni.

Ka āwhina tēnei kōwae i a koe ki te whakawhanake i tō tukanga whakataunga moni mā te whakamahi i ū pūkenga mātauranga tau. He wāhanga tēnei kōwae nō tētahi huinga rauemi ako NCEA e wātea mai ana i Sorted in Schools - Te Whai Hua - Kia Ora!


He tirohanga whānui tēnei puka aratohu ākonga ki ngā kōrero me ngā horopaki ka tūhuratia i tēnei kōwae, ngā mōhiohio aromatawai, ngā rauemi, me ngā hononga whaihua.

Anei ētahi atu tuhinga i tēnei kōwae:

- **He puka ākonga** hei āwhina i a koe ki te whakawhanake i ngā pūkenga, i ngā mātauranga, me ngā māramatanga hei whai māu e tutuki ai i a koe ngā paearu o tētahi paerewa paetae NCEA.
- **He puka whakaharatau** e āhei ai tō whakamahi me te whakaū i ū akoranga.
- **He puka whakautu** hei hoa haere mō te puka whakaharatau.
- **He rārangi kupu** o ngā kupu matua o te paerewa paetae.

Katoa ngā puka nei ka tukuna hei tuhinga Word, hei PDF rānei, hei whakamahi ki te ipurangi, hei tā rānei. Ki te whakamahia ki te ipurangi, ka āhei koe ki te patopato i ū whakautu ki te puka whakaharatau.

I a koe e mahi ana i ngā mahi o tēnei kōwae, ka whakaoti koe i ngā ngohe hei whakarite i a koe mō te aromatawai ā-roto AS91026 - Te whakamahi whakaaro tau whaitake hei whakaoti rapanga (putanga 3).



Ngā Paearu Aromatawai

Paetae	Kaiaka	Kairangi
Te whakamahi whakaaro tau whaitake hei whakaoti rapanga.	Te whakamahi whakaaro tau whaitake mā te whakaaro tūhonohono, hei whakaoti rapanga.	Te whakamahi whakaaro tau whaitake mā te whakaaro waitara hei whakaoti rapanga.

Ki te tutuki i a koe te AS91026 ka riro i a koe ngā whiwhinga e whā o ngā whiwhinga Pāngarau 10, i te Taumata 1 o runga ake rānei, e hiahiatia ana mō te Urunga ki te Whare Wānanga (UE). Ko ētahi atu kōwae a Sorted in Schools hei āwhina i tō whai i ngā whiwhinga mō Te Reo Matatini me te Pāngarau, ko:

- **Ngā Pūrongo Tauanga** (AS91266, Taumata 2, e 2 ngā whiwhinga)
- **Te Hīkaro Tauanga** (AS91264, Taumata 2, e 4 ngā whiwhinga)
- **Te Waihanga i te Uiui pāngarau** (AS91263, Taumata 2, e 3 ngā whiwhinga)
- **Ngā Raraunga Ōhangā, ngā Take, me te Tātari** (AS91226, Taumata 2, e 4 ngā whiwhinga).

He Kōrero mō Te Whai Hua - Kia Ora!

He hōtaka āheitanga ahumoni a Te Whai Hua - Kia Ora! e hāngai tika ana ki te Marautanga o Aotearoa, ā, he mea utu e te kāwanatanga. Kāore he utu o te whakamahi, ā, ko tā Te Whai Hua - Kia Ora! he āwhina i ngā taiohi o Aotearoa ki te whakawhanake i ūrātou pūkenga moni.

He aha i hira ai te āheitanga ahumoni

He pūkenga whai take ā-oranga te whakahaere pai i ngā moni. Ko te tikanga o te āheitanga ahumoni ko te mōhio ki ngā mātauranga, ki ngā pūkenga, ā, e whakamanawa ana ki ngā whakataunga ahumoni pai, ahakoa te pakeke, ā, ka tutuki i a rātou ngā whāinga i ūrātou whakataunga. Heoi, e ai ki ngā rangahau, e whakaraerae ana te hunga 16-24 te pakeke ki te noho nama, ā, ka whakatōmuritia rātou i tēnei. Hei āpitihanga atu, ko te 80 ūrātou hemihemi o te hunga i wehe i te kura i kī mai i hiahia rātou kia nui ake te whakaakongia o rātou ki ngā āhuatanga ā-moni i a rātou i te kura. E whakarerekē ana mātou i tērā! Ka āwhinatia koe e ā mātou rauemi kia tika ai te tīmata o tō hīkoinga ahumoni. Ki te wawe ake tō mōhio ki ngā mahi moni, ka rarawē ake tō hīkoinga i te ao nei.

Whakapakaritia tō āheitanga ahumoni i a koe e ako ana ki te whakaaro tau whaitake

He mea hoahoa tēnei kōwae hei āwhina i tō whakatutuki i te aromatawai, hei whakakī hoki i tō kete āheitanga ahumoni.

Ko tētahi wāhanga o te āheitanga ahumoni ko te whakawhanake pūkenga hei whakamanawa i a koe ki te whakamahi me te whakahaere moni, e tutuki ai ū whāinga i tēnei wā, i ngā rā hoki kei mua i te aroaro.

Kei roto i ngā rauemi ako katoa a Te Whai Hua - Kia Ora! ētahi huatau matua o te āheitanga ahumoni, arā ko ngā Kaupapa o Sorted, hei āwhina i tō whakawhanake i ū pūkenga, i ū mātauranga, me ū whanonga ahumoni. Ka kite koe i ēnei Kaupapa o Sorted i tēnei kōwae.



KiwiSaver



Te nama




Ngā whāinga



Te whakahaere i aku moni

Ka kitea ngā rauemi e hāngai ana ki ngā kaupapa nei i ngā whārangi hei mahi a ngā ākonga i te pae tukutuku a Te Whai Hua - Kia Ora! Pāwhiria te Kaupapa, ka tīpako ai i tētahi kōwhiringa i te tahua takaiho. He puka, he panahiko, he pārongo whakairoiro, he ataata, he ngohe pāhekohoko hoki kei ēnei rauemi. E taea ana ngā momo rauemi rerekē te rapu mā te kōwhiringa Arapāho.



Te tirohanga whānui ki ngā kaupapa

Anei tētahi tirohanga whānui ki ngā kaupapa ka tūhuratia e koe i tēnei kōwae:

- **Kaupapa Tuatahi: Te mohio ki tō pepa utu**

Ngā wāhanga noa o te pepa utu, te whakamahi i ngā pāpātanga utu ki te tatau i ngā moni whiwhi, ngā hāora tuwhene, ngā tangohanga i tō moni whiwhi, te tātai i te tāke moni whiwhi.

- **Kaupapa Tuarua: Te hoko rawa me ngā ratonga**

Te tāke hokohoko (GST), ngā tātaitanga tāke hokohoko, te whakamahi i ngā ūwehenga hei wehewehe nama.

- **Kaupapa Tuatoru: Te moni taurewa**


Te moni taurewa me te nama, te hoko harangotengote, te tātai i ngā panonitanga ūrau, ngā pūtea taurewa ākonga, te raupapa paheko (BEMA).

- **Kaupapa Tuawhā: Ngā whāinga ahumoni**

Ngā pūtea penapena, ngā kuhunga tūmau, te huamoni whakaputu, me te KiwiSaver.

- **Kaupapa Tuarima: Ngā rauemi āwhina whakataunga ahumoni**

Ngā mahere pūtea, ngā whāinga SMART, te whakamahi i te mātauranga tau hei panoni i tētahi mahere pūtea.



Ka pēhea te aromatawai i a koe

Ngā taunakitanga/ whakawānga mō te Paetae	Ngā taunakitanga/ whakawānga mō te Kaiaka	Ngā taunakitanga/ whakawānga mō te Kairangi
<p>Ka taea e au:</p> <ul style="list-style-type: none"> • te whakamahi aku mātauranga tau, aku pūkenga, me ngā rautaki hei whakaoti i ngā rapanga mā te whakamahi i ngā tukanga tatau rerekē e toru neke atu rānei, hei tauira, ko ngā tukanga e hāngai ana ki: <ul style="list-style-type: none"> • ngā tauwehenga, ngā taurea, ngā pū, me ngā pūtake • ngā taupū • ngā hautau, ngā tau ā-ira, me ngā ōrau • ngā pāpātanga • te whakaawhiwhi mati whaiira me ngā mati whai tikanga • te tānga ngahuru. • te whakatau ko tēhea te tukanga ka whakamahia hei whakaoti rapanga (ka kotahi, ka rua rānei pea ngā wāhanga o te rapanga). • te whakaatu aku mahi me te whakamārama i te tikanga o aku whakautu. 	<p>Ka taea e au:</p> <ul style="list-style-type: none"> • te whakaoti rapanga whai wāhanga e rua neke atu rānei • te whakamahi taku whakaotinga o tētahi wāhanga o te rapanga hei whakaoti i tētahi atu wāhanga • te tautuhi aku tātainga i ia wāhanga me te whakamahi i ngā tauākī pāngarau e tika ana • te hono aku whakaotinga ki te horopaki. 	<p>Ka taea e au:</p> <ul style="list-style-type: none"> • te whakaaro ki tua o te rapanga inamata, ā, ka whai whakaaro pea ki: <ul style="list-style-type: none"> • ētahi atu āhuatanga ka kōrerohia i te horopaki me te pānga pea o ērā ki te otinga • te panonitanga o tētahi āhuatanga o te horopaki, me te tūhura i ngā pānga ki aku tūtohunga. • te āta whakamārama aku tātainga mā te whakamahi kupu me ngā tauākī pāngarau e tika ana. • te whakamārama aku whakataunga i a au e whakaoti rapanga ana.

He kupu ārahi mō te aromatawai



Kei te puka ākonga ētahi kupu ārahi mō te aromatawai e mārama ake ai ki a koe ngā herenga e eke ai koe ki te taumata Kaiaka, ki te taumata Kairangi rānei.

Ngā rauemi

He nui ngā rauemi hei āwhina ki te tūhura i te āheitanga ahumoni e hāngai ana ki te whakahaere i ō moni, ki te whakatutuki i ō whāinga ahumoni, ki te penapena moni me te haumi, ki te moni taurewa me te nama, ki te KiwiSaver hoki.

Ko ngā rauemi a Te Whai Hua - Kia Ora! e hāngai tika ana ki tēnei kōwae ko:

- Te Puka Whakahaere i Aku Moni a Sorted
- Te Puka Whāinga a Sorted
- Te Puka Haumi a Sorted
- Te Puka Nama a Sorted
- Te Puka KiwiSaver a Sorted.

Ka kitea ēnei rauemi i te whārangi Hei Mahi Ākonga i te pae tukutuku a Te Whai Hua - Kia Ora! mā te pāwhiri i te Kaupapa e hāngai ana, me te tīpako mai i te tahua takaiho. Ka kitea hoki ētahi ataata, ētahi whakaaturanga panahiko, ētahi pārongo whakairoiro, me ētahi ngohe pāhekoheko hoki hei whakapakari, hei whakawhānui hoki i tō āheitanga ahumoni.

